



**PARK**  
DOO SARAJEVO

Broj: 08-JN-124-1  
Sarajevo, 13.02.2024.

KJKP "PARK" d.o.o. Sarajevo  
Patriotske lige br. 58  
71 000 Sarajevo  
Bosna i Hercegovina  
ID broj: 4200258320003  
PDV broj: 200258320003

Na osnovu člana 18 stav 2 Zakona o javnim nabavkama a u vezi sa članom 10a. stav d) tačka (1) Zakona o javnim nabavkama, („Sl. Glasnik BiH“ br. 39/14 i 59/22), člana 15 stav 3 Pravilnika o javnim nabavkama broj P-5510-8-8 od 28.12.2022.g, člana 34 Zakona o javnim preduzećima u FBiH (Sl. novine FBiH br. 08/05, 81/08, 22/09,109/12), Plana javnih nabavki za 2024. godinu broj P-6317.02-09-1/23 od 27.12.2023. godine, te na osnovu člana 55 Statuta KJKP“Park“ d.o.o. Sarajevo broj 2802-3/21 od 31.08.2021.g. Kantonalno javno komunalno preduzeće "Park" d.o.o. Sarajevo sa sjedištem u ulici Patriotske lige 58 ,putem zakonskog zastupnika – direktora preduzeća Adis Bešlić donio je

## **O D L U K U**

### **o postupku nabavke pravnih usluga**

#### **Član 1.**

Za potrebe Kantonalnog javnog komunalnog preduzeća "Park" d.o.o. Sarajevo, u poslovnoj 2024. godini, pokreće se postupak nabavke pravnih usluga - advokatske usluge iz člana 10a stav d) tačka (1) Zakonu o javnim nabavkama - usluge pravnog zastupanja u arbitražnom postupku pred Arbitražnim sudom Vanjskotrgovinske komore BiH u predmetu broj 01-6-01-6-24-5/24.

#### **Član 2.**

Procjenjena vrijednost javne nabavke (bez obračunatog PDV-a) iznosi 5.000,00 KM odnosno 5.850,00 KM sa PDV-om, a nabavka će se finansirati iz vlastitih sredstava te će se zaključenje ugovora o nabavci ponuditi Advokatskom društvu sa ograničenom odgovornošću „Nedžad E. Beća“, sa sjedištem u ulici Džemala Bijedića br. 160K, 71000 Sarajevo (ID broj: 4202590510005).

Uslugu će izabrani advokat pružati od dana zaključenja ugovora do okončanja postupka pred Arbitražnim sudom Vanjskotrgovinske komore BiH u predmetu broj 01-6-01-6-24-5/24.

Vrijednost jedne preduzete pravne radnje u toku postupka će se utvrditi u skladu sa Tarifom o nagradama i naknadi troškova za rad advokata FBiH uz primjenu ograničenja propisanih članom 31 stav 5 Zakona o advokaturi BiH (Sl. novine FBiH 40/02,29/03,18/05,68/05,42/11).

U koliko nagrada advokatu po advokatskoj tarifi bude veća od jednomjesečnog prosječnog ličnog dohotka u F BiH u vrijeme poduzimanja pravne radnje, nagrada advokatu će se isplatiti u visini jednomjesečnog prosječnog ličnog dohotka u F BiH u vrijeme poduzimanja pravne radnje.

### Član 3.

Odluka stupa na snagu danom donošenja.

#### Obrazloženje

Planom javnih nabavki za 2024.g. broj P-6317.02-09-1/23 od 27.12.2023. godine, predviđena je nabavka advokatskih usluga. Dana 31.01.2023. godine Kantonalno javno komunalno preduzeće "Park" d.o.o. Sarajevo je zaprimilo tužbu za pokretanje arbitražnog spora Potogija Tarika, advokata iz Sarajeva kojeg zastupa advokat Sijerčić Nihad kojem od Kantonalnog javnog komunalnog preduzeća "Park" d.o.o. Sarajevo potražuje na ime navodnog duga iznos od ukupno 55.644,91 KM, sa zakonskim zateznim kamatama počev od 2. oktobra 2023. godine.

Advokat Tarik Potogija je dana 21.10.2022. godine zaključio okvirni sporazum sa KJKP „Park“ d.o.o. Sarajevo za pružanje advokatskih usluga a nakon provedenog otvorenog postupka – javna nabavka usluga, Obavještenja o nabavci broj 410-1-2-143-3-126/22 od 22.07.2022. godine i Ispravka za obavještenja o nabavci broj 410-1-2-143-8-133/22 od 08.08.2022. godine. Pravni osnov za navodno dugovanje KJKP „Park“ d.o.o. Sarajevu, Advokat Tarik Potogija crpi iz Ugovora o nalogu od 1. oktobra 2016. godine, u vezi sa pružanjem stručnih pravnih i advokatskih poslova, a kojem ugovoru, prema saznanjima sadašnje upravljačke strukture KJKP „Park“ d.o.o. Sarajevo nije prethodio postupak javne nabavke.

Kako je vrijednost arbitražnog spora visoka te da je riječ o kompleksnom sporu, kao i da preduzeće nema zaposlenih radnika sa dovoljno znanja i iskustva da bi zastupali preduzeće, a da je advokat koji je izabran u postupku javne nabavke upravo advokat koji je pokrenuo arbitražni spor, preduzeće donosi odluku o pokretanju postupka nabavke pravnih usluga za konkretni spor.

U skladu sa članom 10.a stav d) tačka (1) ZJNBiH, zakon se ne primjenjuje se na ugovor o javnoj nabavci usluga koji ugovorni organ dodjeljuje drugom pravnom licu ako je riječ o usluzi pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja, slijedom čega je KJKP „Park“ d.o.o. Sarajevu donio odluku o pokretanju postupka uz primjenu izuzeća od obaveznosti primjene propisanu prednjim Zakonom.

Akt pripremila: I

Akt prekontrolis:



DIREKTOR  
KJKP „Park“ d.o.o. Sarajevo

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019000008;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047

**Dostaviti:**

1. Advokatsko društvo sa ograničenom odgovornošću „Nedžad E. Beća“,
2. Direktor,
3. SOP,
4. SKP,
5. Stručni saradnik, za informisanje,
6. a/a.

**Tel. Centrala:** +387 33 560 560;  
**Direktor:** +387 33 560 570, 201-977;  
**Fax:** +387 33 560 561; 201-977;  
**E-mail:** info@park.ba;  
**www.park.ba**

**Općinski sud u Sarajevu**  
**Broj sudskog registra** UF/I-2558/05  
**Porezni broj:** 01071306;  
**Matični broj:** 20379383;  
**Matični registracioni broj:** 1-566

NLB Banka **1322602019095668**;  
UniCredit bank d.d. **3386902212020028**;  
Turkish Ziraat bank Bosnia d.d. Sarajevo  
**1860001022085047**